



## CONCELLO DE SAMOS

### **ORDENANZA FISCAL REGULADORA DO IMPOSTO SOBRE VEHÍCULOS DE TRACCIÓN MECÁNICA.**

#### **Artigo 1º. Fundamento legal e feito impositivo.**

1. De conformidade co disposto nos artigos 59.1 e 92 do real Decreto Legislativo 2/2004, de 5 de marzo, polo que se aproba o Texto Refundido da Lei de Facendas Locais, establece o IMPOSTO SOBRE VEHÍCULOS DE TRACCIÓN MECÁNICA, que gravará ós vehículos desta natureza, aptos para circular polas vías públicas, calquera que sexa a súa clase e categoría.

2. Considerase vehículo apto para a circulación nos rexistros públicos correspondentes e mentres non causara baixa nos mesmos. Ós efectos deste imposto tamén se consideran aptos os vehículos provistos de permisos temporais e matrícula turística.

3. Non están suxeitos ó imposto:

A) Os vehículos que foran dados de baixa nos rexistros por antigüidade do seu, poden ser autorizados para circular excepcionalmente con ocasión de exhibicións, certames ou estradas limitadas ós desta natureza.

B) Os remolques e semirremolques arrastrados por vehículos de tracción mecánica cunha carga útil que non sexa superior a 750kg.

#### **Artigo 2º. Suxeito Pasivo.**

Son suxeitos pasivos deste imposto as persoas físicas ou xurídicas e as Entidades a que se refire o artigo 35.4 da Lei Tributaria, se o permiso de circulación do vehículo está ó seu nome.

#### **Artigo 3º. Exencións e bonificacións.**

1A. Estarán exentos do Imposto:

a) Os vehículos oficiais do Estado, Comunidade Autónomas i Entidades locais adscritos á defensa nacional ou á seguridade cidadá.

b) Os vehículos de representacións diplomáticas, oficinas consulares, axentes diplomáticos e funcionarios consulares de carreira acreditados en España, que serán súbditos dos respectivos países, externamente identificados e a condición de reciprocidade na súa extensión e grao.

Así mesmo, os vehículos de Organismos internacionais con sede ou oficina en España e dos seus funcionarios ou membros con estatuto diplomático.

c) Os vehículos respecto dos que así derive do disposto en tratados ou convenios internacionais.

d) As ambulancias e demais vehículos directamente destinados á asistencia sanitaria ou ó traslado de feridos ou enfermos.

e) Os vehículos para persoas con mobilidade reducida ó que se refire o apartado A do Anexo II do Regulamento Xeral de vehículos, aprobado por Real Decreto 2822/1998, de 23 de decembro. Tamén, están exentos os vehículos matriculados a nome de minusválidos para o seu uso exclusivo. Esta exención aplicarase en tanto continúen as



## CONCELLO DE SAMOS

ditas circunstancias, tanto ós vehículos conducidos por persoas con discapacidade coma os destinados ó seu transporte.

As exencións previstas nos dous parágrafos anteriores non resultarán aplicables ós suxeitos beneficiarios deles por máis dun vehículo simultaneamente.

Segundo o disposto neste parágrafo, considéranse persoas con minusvalía as que teñan esta condición legal en grao igual ou superior ó 33 por cento.

f) Os autobuses, microbuses e demais vehículos destinados ou adscritos ó servizo de transporte público urbano, sempre que teñan unha capacidade que exceda de nove prazas, coa do condutor.

g) Os tractores, remolques, semirremolques e maquinaria provistos da Cartilla de inspección Agrícola.

1B. Para poder aplica-las exencións a que se refiren os parágrafos e) e g) deste artigo, os interesados deberán instar a súa concesión indicando as características do vehículo, a súa matrícula e causa do beneficio. Declarada a exención pola Administración municipal, expedirase un documento que acredite a súa concesión.

Xunto coa petición de exención os interesados deberán presentar a seguinte documentación:

Vehículos matriculados a nome do minusválido destinados ó transporte dos mesmos.

Certificado do grao de minusvalía expedido pola Consellería de Asuntos Sociais, acreditando unha minusvalía legal ou superior ó 33%.

Permiso de condución ( anverso e reverso) do minusválido ou condutor habitual.

Permiso de circulación a nome do minusválido.

Póliza de seguro do vehículo no que figure o condutor habitual do mesmo.

Ficha técnica do vehículo.

Declaración ou manifestación do uso exclusivo do vehículo para o transporte do beneficiario da exención.

Fotocopia do D.N.I. do minusválido e do condutor habitual do vehículo.

O petionario deberá xustificar, así mesmo, encontrarse ó corrente do pago do imposto mediante a exhibición dos recibos dos catro últimos exercicios, ou certificado equivalente.

A notificación na que se resolva a concesión da exención servirá de documento acreditativo da súa existencia.

### 2. Bonificacións:

Segundo establecido no artigo 95.6 do Real Decreto legislativo 2/2004, de 5 de marzo establécense as seguintes bonificacións:

- Os vehículos históricos regulados no artigo 1 do R.D. 1247/1995, de 14 de xullo, e todos aqueles que teñan unha antigüidade mínima de 25 anos, contados a partir da data da súa fabricación ou, si non se coñecera, tomando como tal a data da súa primeira matriculación, ou no seu defecto, a data na que ó seu correspondente tipo ou variante se deixou de fabricar, gozarán dunha bonificación do 100%.

Poderase aplicar de oficio esta bonificación ós vehículos respecto ós que conste fehacientemente á administración tributaria municipal a data da súa primeira matriculación, a tal efecto acudirase ás datas que corresponden ó número de matrícula.- Nos demais casos, os suxeitos pasivos ou os seus representantes poderán solicitar a concesión de bonificación acreditando a data de fabricación ou primeira



## CONCELLO DE SAMOS

matriculación por medio de copia compulsada da ficha técnica, ou permiso de circulación do vehículo ou certificado do fabricante ou de industria respecto á data na que se deixou de fabricar o modelo en cuestión. O petionario deberá xustificar, así mesmo, encontrarse ó corrente do pago do imposto mediante a exhibición dos recibos dos últimos catro exercicios, ou certificado equivalente.

### Artigo 4º. Bases e cota tributaria.

O imposto esixirase con arreglo ó seguinte cadro de tarefas:

Potencia e clase de vehículo	Cota: euros
A) Turismos:	
De menos de 8 cabalos fiscais	12,65
De 8 a 11,99 cabalos fiscais	34,08
De 12 hasta 15,99 cabalos fiscais	71,94
De 16 hasta 19,99 cabalos fiscais	89,61
De 20 cabalos fiscais en adiante	112,00
B) Autobuses:	
De menos de 21 prazas	83,30
De 21 a 50 prazas	118,64
De máis de 50 prazas	148,30
C) Camións:	
De menos de 1.000 Kg de carga útil	42,28
De 1.000 a 2.999 Kg de carga útil	83,30
De máis de 2.999 a 9.999 Kg. de carga útil	118,64
De máis de 9.999 Kg. de carga útil	148,30
D) Tractores:	
De menos de 16 cabalos fiscais	17,67
De 16 a 25 cabalos fiscais	27,77
De máis de 25 cabalos fiscais	83,30
E) Remolques e semirremolques arrastrados por vehículos de tracción mecánica.	
De menos de 1.000 Kg. e mais de 750 Kg de carga útil	17,67
De 1.000 a 2.999 Kg. de carga útil	27,77
De mais de 2.999 Kg. de carga útil	83,30
F) Outros vehículos	
Ciclomotores	4,42
Motocicletas ata 125cc.	4,42
Motocicletas de mais de 125 ata 250cc.	7,57
Motocicletas de mais de 250 ata 500cc.	15,15
Motocicletas de mais de 500 ata 1.000cc.	30,29
Motocicletas de mais de 1.000cc.	60,58



## CONCELLO DE SAMOS

### **Artigo 5º. Período impositivo e devengo.**

- 1.- O período impositivo coincide co ano natural, salvo no caso da primeira adquisición do vehículo. Neste caso o período impositivo comezará o día no que se produza a dita adquisición.
- 2.- O imposto devéngase o primeiro día do período impositivo.
- 3.- O importe da cota do imposto prorratearase por trimestres naturais nos casos de primeira adquisición ou baixa do vehículo. Tamén se procederá ó prorrateo da cota nos mesmos termos nos supostos de baixa temporal por sustracción ou roubo do vehículo, e contarase dende que se produza dita baixa temporal no rexistro público correspondente.

### **Artigo 6. Réxime de declaración e de ingreso.**

A xestión, liquidación inspección e recadación, así como a revisión dos actos ditados en vía de xestión tributaria corresponde ó Concello do domicilio que conste o permiso de circulación do vehículo.

### **Artigo 7.**

- 1.- Quen solicite ante a Xefatura Provincial de Tráfico a matriculación, a certificación de aptitude para circular ou a baixa definitiva dun vehículo, deberá acreditar, previamente, o pago do imposto.
- 2.- Á mesma obriga están suxeitos os titulares dos vehículos cando comuniquen á Xefatura Provincial de Tráfico a reforma dos mesmos, sempre que altere a súa clasificación a efectos deste imposto, así como tamén nos casos de transferencia e de cambio de domicilio que consten no permiso de circulación do vehículo.
- 3.- As Xefaturas Provinciais de Tráfico non tramitarán os expedientes de baixa ou transferencia de vehículos se non se acredita previamente o pago do imposto.

### **Artigo 8.**

- 1.- Anualmente formarase un Padrón no que figurarán os contribuíntes afectados e as cotas respectivas que se liquiden por aplicación da presente Ordenanza, o que será exposto ó público por quince días a efectos de reclamacións previo anuncio no Boletín Oficial da Provincia e edictos na forma habitual na localidade.
- 2.- Pasado o prazo de exposición ó público, o Concello resolverá sobre as reclamacións presentadas e aprobará definitivamente o Padrón que servirá de base para os documentos cobratorios correspondentes.

### **Artigo 9.**

As cotas liquidadas e non satisfeitas no período voluntario , faranse efectivas pola vía de apremio segundo as normas do Regulamento Xeral de Recadación.



## CONCELLO DE SAMOS

### **PARTIDAS FALIDAS**

#### **Artigo 10.**

Consideraranse partidas falidas ou créditos incobrables aquelas cotas que non se puideran facer efectivas polo procedemento de apremio, para o que se formalizará o

oportuno expediente de acordo co previsto no vixente Regulamento Xeral de Recadación.

### **INFRACCIÓNS E SANCIÓN.**

**Artigo 11.** No relativo á cualificación de infraccións tributarias, así como das sancións que ás mesmas correspondan en caso, estarase ó disposto na Lei Xeral Tributaria.

### **DISPOSICIÓN TRANSITORIA PRIMEIRA.**

Os beneficios que se poidan conceder conforme co previsto nesta ordenanza e que poidan estenderse a exercicios futuros diferentes ós da súa concesión, manterán a súa vixencia para ditos exercicios sempre e cando se prevea a súa concesión na correspondente Ordenanza Fiscal do ano en cuestión e requirirá en todo caso, que o suxeito pasivo reúna tódolos requisitos para o seu recoñecemento que establece a Ordenanza.